

"I don't know where I'm going from here, but I promise it won't be boring" David Bowie

BESTE WENSE VIR 2022

Aangesien dit die eerste nuusbrief van die nuwe jaar is, wil ek van die geleentheid gebruik maak om julle almal alles toe te wens wat julle vir juiself in 2022 toewens. Die afgelope twee jaar het ons die nuwe jaar met 'n mate van angstigheid beskou, met die hoop dat die jaar positiewe verandering sal teweeg bring. Ons leef in ongekende en onseker tye – laat ons die meeste van die seëninge wat ons ontvang maak, beheer dit wat beheer kan word en wees nederig en bedagsaam in alles wat ons doen. Ek het geen twyfel dat 2022 met baie geleenthede, 'n vrag vol uitdagings; goeie en slegte tye sal kom. Saam kan ons geleenthede aangryp en die uitdagings die hoof bied. Ek sien uit daarna om saam met julle in 2022 te werk.

OESSKATTING 2021: GELUK AAN DIE VARIËTEITSFOKUSGROEPE (VFG) EN SITRUSBEMARKINGSFORUM (CMF)

Dit is die eerste jaar dat alle VFG's daarin geslaag het om hul geprojekteerde oesskatting binne 5% van die finale volumes wat uitgevoer is, te kry. As in ag geneem word dat hierdie skatting in Maart opgestel word, voor die seisoen begin, is dit geen geringe prestasie nie. Daar was baie inhuse en buite debatte in die bedryf oor die akkuraatheid van die skatting, met baie wat gesê het dat die skatting nooit bereik sou word nie: hoe verkeerd was hulle.

So, baie geluk aan die VFG-lede, en die produsente in hul streke wat weereens gewys het dat hierdie metodiek werk, en geluk aan die uitvoerders in die Sitrusbemarkingsforum (CMF) wat die skatting onderskryf het sonder om enige veranderinge aan te bring.

Die metodiek is eenvoudig (sommige sou dit robuust noem). Streeksverteenwoordigers op die VFG's kry historiese syfers van uitvoervolumes vir hul streek; gebaseer op hierdie syfers, en met inagneming van klimaat- en ander veranderlikes, werk hulle saam met produsente in hul streek om met 'n skatting vir die komende jaar vorendag te kom. Hierdie skatting word dan by 'n spesiale VFG-vergadering bespreek om 'n holistiese blik op Suider-Afrika se skatting te kry. Sodra die VFG's gemaklik met die skatting is – word dit na die CMF vir onderskrywing deur alle belanghebbendes in Suider-Afrika se sitrusbedryf geneem – dit is hier waar uitvoerders kommentaar oor die bemarkingskant van die skatting sal lewer (hou in gedagte dat dit 'n uitvoerskatting is, nie 'n produksieskatting nie). Sodra dit deur die CMF afgeteken is, word die inligting met alle rolspelers gedeel.

Die historiese vlak van akkuraatheid van Suider-Afrika se sitruskatting word in die tabel hieronder getoon. Die rooi blokkies dui skattings aan wat meer as 10% verskil het van die werklike; oranje blokke tussen 5 en 10% en groen onder 5%. Die doelwit is om binne 10% te kom – wat in 80% van die skattings sedert 2008 behaal is. Wat totale oes betref, was die skatting elke jaar binne 10%.

Dit sal interessant wees om te hoor hoe ander metodieke in ander sitrusuitvoerlande vaar; uit mediaberigte blyk dit dat selfs die mees tegniese metodieke nie hierdie vlak van akkuraatheid bereik nie.

	2008	2009	2010	2011	2012	2013	2014	2015	2016	2017	2018	2019	2020	2021
Pomelo's	2%	8%	1%	-9%	-15%	-14%	-7%	6%	12%	-1%	11%	-11%	-7%	-3%
Sagte Sitrus	1%	9%	Spot on	14%	Spot on	3%	10%	-1%	9%	1%	3%	Spot on	2%	1%
Suurlemoene	-16%	8%	-6%	-9%	-6%	-5%	8%	10%	-7%	7%	-4%	Spot on	8%	3%
Nawels	-8%	11%	-6%	-8%	7%	2%	1%	-3%	6%	-20%	4%	-10%	-2%	3%
Valencias	-3%	12%	-11%	-3%	-1%	6%	Spot on	5%	-11%	7%	Spot on	-12%	4%	5%
TOTAAL	-5%	10%	-7%	-5%	-1%	5%	1%	4%	-2%	Spot on	2%	-8%	2%	1%